



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt XVIII. Quonam modo Christianos dominari Christas vetuerit.

[urn:nbn:de:hbz:466:1-46059](#)

CAPUT XVIII.

*Quonam modo Christianos dominari Christas
vetuerit.*

VEHEMENTER autem falluntur, qui omnem superioris excellentiam potestatis, Dominum sustulisse censerent, cum ait: *Principes gentium dominantur eorum; & qui maiores sunt, potestate exercent in eos. Non ita erit inter vos: sed quicunque voluerit inter vos fieri maior, sit vester minister: & qui voluerit inter vos esse primus, erit vester seruus. sicut Filius hominis non venit ministrari, sed ministrare, & dare animam suam in redemptionem pro multis. Quibus Euangelij verbis non satis attentè consideratis, & ipse Ludouicus Viues scribere non dubitauit, Christum disertis verbis omnem inæqualitatem sustulisse, hominesque & principatus vniuersos, ad Gentilium insanias reieciisse, nihilque esse voluisse quod nobis spiritus attolleret. Primum autem, non ait Dominus: Gentium populi Principes habent ac Reges, vos Christiani nullos habebitis Reges: & inter illos quidam maiores sunt, ac potestate præcellunt; vos omnes pares esse oportet. Quem enim haberet locum, quod ipsos Christianos alibi per quandam futuri prophetiam sic admonet Reges: Et nunc Reges intelligite, eruditimi*

*Matth. 20.
Lucas 12.*

*In caput 27.
lib. 18. De Cœ-
uritate Dei.*

Psal. 2.

502 DE CHRISTIANA LIBERTATE
teros præditi potestate, tamen Gentilium more non
debere dominari in subditos, aut in eos potestatem
exercere. quod iij faciunt, qui neglecta utilitate subdi-
torum, concessæ sibi potestatis vltum, ad honores suos
& glorias, commodaque vita conuerunt: quasi non
propter alios, sed propter se, neque publicæ & com-
munis utilitatis procurandæ causa, sed propriæ com-
moditatis & gloriæ gratia, sublimioris sedis locum
adepti fuissent. Ex quo euenit facillimè, ut dum am-
bitionis aut voluptatum gurges nulla re poteſt expli-
ri; graui bus exacti onum oneribus, subiecti populi op-
primantur. Sibi ergo seruire cogunt populos, qui pro-
pterea potestate superiores effecti sunt, ut populorum
utilitatibus inseruiren: sibi deberi cuncta persuauon
habent; nec quid subiectis debeat ministerij, con-
siderant. Vnde etiam illud tetur dominantium ge-
nus exoritur, de quo scriptum à Gentili est: Si quid ijs
præstes obsequij, leuior pluma est gratia: sin offendas
paululum, plumbeas iras gerunt. Quod Præfectorum
vitium in veteri quoque Testamento, per Iſaiam est
reprehensum illis verbis: Audite verbum Dominini
illusores, qui dominamini super populum meum,
qui est in Hierusalem. Quod etiam Gentilis militum
Imperator, dominationis vitium intellexit, & verbo
eodem designauit. Sic enim loquitur apud Salustium
Marius: His præceptis militem hortabor, neque illos
arctè colam, me opulenter: neque gloriam meam, la-
borem illorum faciam. hoc est utile, hoc ciuile impe-
rium. Namque cum tu per mollitatem agas; exercitum
suppicio cogere, id est dominum, non imperatorem
esse. Atque idem Salustius, cum describit Catilina
coniurationem, Post, inquit, ubi imperium Regum,
quod initio conseruandæ libertatis, atque causa regi-
dæ Reipublicæ fuerat, in superbiam dominationem q.
se conuerit, &c. Sic planè & diuus Hieronymus in

Epi-

Plautus in
Poenula.

Cap. 18.

In bello Tugur-
anno.

Epistola ad Nepotianum, Episcopi, inquit, Sacerdotes se esse nouerint, non dominos: ad illam (opinor) beati Petri respiciens vocem: Non ut dominantes in cleris,
1. Petr. 5.
 sed forma facti gregis ex animo. Propterea forsitan & Cæsar Augustus, cùm eo spectante ludos, pronuntiatum esset à quodam Mimo, O dominum æquum & bonum! vniuersique, quasi de ipso dictum esset, exultantes approbauissent: statim quidem manu vultuque indecoras adulaciones repressit, & in sequenti die, grauissimo corripuit edicto, dominumque se post hac appellari, ne à liberis quidem aut nepotibus suis, vel serio vel ioco passus. contrà verò, quemadmodum Aurelius Victor annotauit, Caligula, cuius atrocissimus fuit principatus, ut ipso quoque nomine quod affectabat demonstraret, primus diademate imposito, dominum se iussit appellari, vii & alios deinde per ambitionis morbum, hunc titulum honoris adamasse declarat illud Martialis Epigramma:

Mane salut aui vero te nomine, casu,

Lib. 6. Epigr. 28.

Nec dixi dominum, Ceciliane, meum.

Quanti libertas constet mihi tanta, requiris?

Centum quadrantes abstulit illa mihi.

Ab hac igitur dominādi affectione, liberos esse Christus voluit eos qui in Republica Christiana præsent: ut videlicet quemadmodum animus corpori, non quomodo superior animi pars, iracundiæ atque libidini; ita suis subditis imperarēt. quod ipsum antè Sapientis monuerat his verbis: Rectorem te posuerunt? *Ecclesiast. 32.* noli extollī: esto in illis quasi unus ex ipsis: curam illorum habe. Neque enim aliud est quod requirit Dominus, ut qui major sit, minister omnium fiat; quām ut qui ceteris potestate antecellit, locum superiorem sibi esse creditum intelligat, quo utilitati communi salutique prospiciat. Patitur omnino alios aliis maiores esse; sed, Qui voluerit esse maior, sit vester minister, in-

*Aug. lib. 4.
contra Julianū
cap. 12.*

quit: & qui voluerit inter vos primus esse, erit vester seruus. Qui si neminem in Christiana societate primū esse voluisset; cur hīc statuisset modum potius in administrando primatu, quām ipsum primatum universum sustulisset? ut enim cūm ait Apostolus, Præceppe diuitibus huius seculi, non sublime sapere, nec sp̄are in incerto diuitiarum: non diuitiarum possessores, sed superbos diutes sibi non probari significat: alioqui dicturus: Præceppe ne quisquam sit diues, sed diuitias quisque suas abijciat. Et quemadmodum militibus Ioannes Baptista præscribens, vt concurent neminem, sed contenti essent stipendiis suis, non militare damnauit institutum: quem dicturum alioqui fuisse non dubium est, militiam deserendam esse, si suæ vellent saluji consulere. Sic in Euangelio Dominus noster, non principatum sustulit, sed modum prescripsit, ne eo quisquam per insolentiam abuteretur, sed ij qui Reges essent ac Principes, vni omnium Domino, & Regum Regi, sua potestate seruirēt. Ideoque sui proponit exemplum, quem auctoritate & potestate discipulis superiorem fuisse quis neget? Non enim Magister modò, sed & Dominus erat: quemadmodum hoc ipsorum de se iudicium approbat, dicens: Vocatis me Magister & Domine, & bene dicitis, sum enim. Sed quamquam reuera primus esset, tamen Filius hominis, inquit, non vénit ministrari, sed ministrare, & dare animam suam in redemptionem pro multis. Non enim querere venerat, quæ sibi priuatim essent commoda, sed quæ nobis communiter essent utilia. Etenim Christus, inquit Apostolus, non sibi placuit sed, sicut scriptum est, Improperia improperantium tibi ceciderunt super me.

2.Tim.6.

Lucas 3.

Ioann. 23.

Etim. 15.

CAPIT.